

Հավելված N¹
Սահմանված է
Հայաստանի Հանրապետության հանրային
ծառայությունները կարգավորող
հանձնաժողովի
2016 թվականի օգոստոսի 31-ի N242Ն
որոշմամբ

**ԷԼԵԿՏՐԱԿԱՆ ԷՆԵՐԳԻԱՅԻ ԲԱՇԽՄԱՆ ԾԱՌԱՅՈՒԹՅԱՆ ՄԱՏՈՒՑՄԱՆ
(ԲԱՇԽՈՂ-ՍՊԱՌՈՂ (ՈՐԱԿԱՎՈՐՎԱԾ ՍՊԱՌՈՂ))**

ՊԱՅՄԱՆԱԳԻՐ N _____

_____ 20__ թվական _____ ք. _____

(Բաշխողի անվանումը)

ի դեմս _____
(պաշտոնը, անունը, ազգանունը)

ղեկավարվելով ընկերության կանոնադրությամբ, գործունեության լիցենզիայով, Հայաստանի
Հանրապետության օրենքներով և այլ իրավական ակտերով, մի կողմից, և

_____,
(Որակավորված սպառող ընկերության անվանումը)

այսուհետ՝ Որակավորված սպառող, ի դեմս _____

_____,
(պաշտոնը, անունը, ազգանունը)

ղեկավարվելով ընկերության կանոնադրությամբ, Հայաստանի Հանրապետության
օրենքներով և այլ իրավական ակտերով, մյուս կողմից, այսուհետ համատեղ կոչվելով Կողմեր,
կնքեցին սույն պայմանագիրը հետևյալի մասին.

1. ՊԱՅՄԱՆԱԳՐՈՒՄ ՕԳՏԱԳՈՐԾՎԱԾ ՀԱՍԿԱՑՈՒԹՅՈՒՆՆԵՐԸ

1. Սույն պայմանագրում կիրառվող հասկացություններն են՝

- 1) **Հանձնաժողով՝** Հայաստանի Հանրապետության հանրային ծառայությունները կարգավորող հանձնաժողով,
- 2) **Բաշխոռ՝** Էլեկտրական էներգիայի բաշխման գործունեության լիցենզիա ունեցող իրավաբանական անձ,
- 3) **Որակավորված մատակարար՝** Էլեկտրական էներգիան բացի Բաշխոռից նաև այլ անձի վաճառելու իրավունք ունեցող՝ Կանոններով սահմանված լիցենզավորված անձ,
- 4) **Հաղորդող՝** Էլեկտրական էներգիայի (հզորության) հաղորդման լիցենզիա ունեցող իրավաբանական անձ,
- 5) **Համակարգի օպերատոր՝** Էլեկտրաէներգետիկական համակարգի օպերատորի լիցենզիա ունեցող իրավաբանական անձ,
- 6) **Կանոններ ՝** Հանձնաժողովի հաստատած Էլեկտրաէներգետիկական համակարգում որակավորված սպառողին և որակավորված մատակարարին Էլեկտրական էներգիայի հաղորդման և բաշխման ցանցեր մուտքի իրավունքի տրամադրման անցումային կանոններ,
- 7) **Որակավորված սպառող՝** Էլեկտրական էներգիան բացի Բաշխոռից նաև այլ անձից գնելու իրավունք ունեցող կամ սեփական կարիքների համար Էլեկտրական էներգիան ներկրող՝ Կանոնների պահանջները բավարարող սպառող,
- 8) **Բաշխման ծառայություն՝** Բաշխոռի կողմից Էլեկտրական էներգիան բաշխելու ծառայություն,
- 9) **Հաշվարկային ամիս՝** Ժամանակահատված, որը սկսվում է օրացուցային ամսվա առաջին օրվա ժամը 00:00-ին և ավարտվում է վերջին օրվա ժամը 24:00-ին,
- 10) **ԷՄՕԿ** Հանձնաժողովի հաստատած Էլեկտրական էներգիայի մատակարարման և օգտագործման կանոններ:

2.ՊԱՅՄԱՆԱԳՐԻ ԱՌԱՐԿԱՆ

2. Սույն պայմանագրի համաձայն բաշխողը պարտավորվում է Որակավորված սպառողին բաշխել վերջինիս կողմից Որակավորված մատակարարից գնված կամ Որակավորված սպառողի կողմից ներկրված էլեկտրական էներգիան, իսկ Որակավորված սպառողը պարտավորվում է վճարել էլեկտրական էներգիայի Բաշխման ծառայության դիմաց:

3. ԿՈՂՄԵՐԻ ՊԱՐՏԱՎՈՐՈՒԹՅՈՒՆՆԵՐԸ

3. Կողմերը պարտավոր են ղեկավարվել «Էներգետիկայի մասին» Հայաստանի Հանրապետության օրենքով, այլ օրենքներով, սույն պայմանագրով, Կանոններով, ԷՄՕԿ-ով՝ եթե այլ բան նախատեսված չէ սույն պայմանագրով և Կանոններով, ինչպես նաև այլ իրավական ակտերով:

4. Բաշխողը պարտավոր է՝

1) Կանոններով սահմանված ժամկետում կազմել և Որակավորված սպառողին ներկայացնել մատուցված Բաշխման ծառայության համար հաշիվ-ապրանքագիր.

2) ապահովել էլեկտրական էներգիայի բաշխումը Որակավորված սպառողին՝ սույն պայմանագրին կցված էլեկտրական էներգիայի բաշխման սխեմայով նախատեսված հուսալիությամբ:

5. Բաշխողն ունի այն բոլոր իրավունքներն ու պարտականությունները, որոնք նախատեսված են մատակարարի համար ԷՄՕԿ-ով, եթե այլ բան նախատեսված չէ սույն պայմանագրով և Կանոններով:

6. Որակավորված սպառողը պարտավոր է վճարել յուրաքանչյուր ամսվա ընթացքում մատուցված Բաշխման ծառայության դիմաց՝ սույն պայմանագրի և Կանոնների համաձայն:

7. Որակավորված սպառողն ունի այն բոլոր իրավունքներն ու պարտականությունները, որոնք նախատեսված են ԷՄՕԿ-ով, եթե այլ բան նախատեսված չէ սույն պայմանագրով և Կանոններով:

4. ՄԱՏՈՒՑՎԱԾ ԲԱՇԽՄԱՆ ԾԱՌԱՅՈՒԹՅԱՆ ԱՐԺԵՔԻ ՀԱՇՎԱՐԿԸ, ԴՐԱ ՎՃԱՐՄԱՆ ԿԱՐԳԸ

8. Հաշվարկային ամսվա ընթացքում Որակավորված սպառողին մատուցված Բաշխման ծառայության արժեքը որոշվում է մատուցված Բաշխման ծառայության քանակի և դրա համար Հանձնաժողովի որոշմամբ սահմանված սակագնի արտադրյալով:
9. Բաշխման ծառայության մատուցման սակագինը սահմանում է Հանձնաժողովը:
10. Հանձնաժողովի կողմից սույն պայմանագրի 9-րդ կետում նշված սակագնի փոփոխման դեպքում նոր սակագինն ուժի մեջ է մտնում Հանձնաժողովի սահմանած ժամկետից:
11. Բաշխողի կողմից Որակավորված սպառողին մատուցված Բաշխման ծառայությունը հաշվառում է Հաշվարկային կենտրոնը Հանձնաժողովի կողմից սահմանված հաշվառման կարգի համաձայն:
12. Հաշվարկային ամսվա վերջի դրությամբ հաշվառքի սարքերի տվյալների հիման վրա Հաշվարկային կենտրոնը կազմում է վճարման ակտը՝ Կանոնների համաձայն, և իր ստորագրությամբ ներկայացնում Կողմերի ստորագրմանը մինչև Հաշվարկային ամսվան հաջորդող ամսվա 11-ը ներառյալ:
13. Կողմերը, սույն պայմանագրի 12-րդ կետում նշված ակտի վերաբերյալ առարկություն չունենալու դեպքում, պարտավոր են ստորագրել այն՝ ստանալուց հետո 1 աշխատանքային օրվա ընթացքում:
14. Սույն պայմանագրի 12-րդ կետում նշված ակտը ստորագրելուց հետո մինչև Հաշվարկային ամսվան հաջորդող ամսվա 15-ը ներառյալ Բաշխողն իր կողմից մատուցված Բաշխման ծառայության համար կազմում է հաշիվ-ապրանքագիր և ներկայացնում Որակավորված սպառողին:
15. Բաշխողը պարտավոր է ստորագրել (հաստատել) սույն պայմանագրի 14-րդ կետում նշված հաշիվ-ապրանքագիրը միայն Որակավորված սպառողի կողմից սույն պայմանագրի 12-րդ կետում նշված ակտը ստորագրելուց հետո:
16. Որակավորված սպառողը Հաշվարկային ամսվա ընթացքում Բաշխման դիմաց վճարումը կատարում է սույն պայմանագրի 14-րդ կետում նշված հաշիվ-ապրանքագիրը ստանալուց հետո 7 օրվա ընթացքում:

**5. ԷԼԵԿՏՐԱԿԱՆ ԷՆԵՐԳԻԱՅԻ ԲԱՇԽՄԱՆ ԾԱՌԱՅՈՒԹՅԱՆ ԸՆԴՀԱՏՄԱՆ,
ՊԱԴԱՐԵՑՄԱՆ ԵՎ ՎԵՐԱԿԱՆԳՆՄԱՆ ՊԱՅՄԱՆՆԵՐԸ**

17. Բաշխողի կողմից բաշխման ծառայության ընդհատումը, դադարեցումը և վերականգնումն իրականացվում է ԷՄՕԿ-ով սահմանված կարգով և ժամկետներում, եթե այլ բան նախատեսված չէ սույն պայմանագրով և Կանոններով:

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

18. Սույն պայմանագրով սահմանված պարտավորությունները չկատարելու կամ ոչ պատշաճ կատարելու դեպքում Կողմերը պատասխանատվություն են կրում Հայաստանի Հանրապետության օրենքներով, ԷՄՕԿ-ով և սույն պայմանագրով սահմանված կարգով:

7. ՖՈՐՍ ՄԱԺՈՐԱՅԻՆ ԻՐԱՎԻՃԱԿՆԵՐ

19. Կողմերը սույն պայմանագրով սահմանված պարտավորությունների խախտման համար պատասխանատվություն չեն կրում, եթե այն հետևանք է ֆորս-մաժորի: Սույն պայմանագրի իմաստով ֆորս մաժոր են համարվում արտակարգ և անկանխելի այն դեպքերն ու հանգամանքները, որոնք առաջացել են կողմերի կամքից անկախ և միևնույն ժամանակ անկախ վերջիններիս գործադրած ջանքերից խոչընդոտել են պարտավորությունների կատարմանն ուղղված կողմերի գործողություններին: Սույն պայմանագրի իմաստով արտակարգ և անկանխելի դեպքեր և հանգամանքներ են բնական և տեխնաժին աղետները, բնության ուժերի արտասովոր դրսևորումները (այդ թվում՝ ջրհեղեղներ, երկրաշարժեր, փոթորիկներ, պտտահողմեր, կայծակով և ամպրոպով ուղղորդվող հորդառատ անձրևներ, ձնաբքեր, սողանքներ), գործադուլները, հասարակական անկարգությունները, ահաբեկչությունները, պատերազմները, ապստամբությունները: Սույն կետը չի սահմանափակում կողմերի իրավունքը նկարագրվածից բացի այլ արտակարգ և անկանխելի դեպքեր և հանգամանքներ ի հայտ գալու պարագայում դիմել Հանձնաժողով՝ դրանք ֆորս-մաժոր ճանաչելու համար:
20. Կողմերը պարտավոր են վերոհիշյալ իրավիճակների մասին անհապաղ տեղեկացնել միմյանց՝ նշելով դրանց հետևանքների վերացման հնարավոր ժամկետները:

8. ԱՅԼ ՊԱՅՄԱՆՆԵՐ

21. Սույն գլխում Կողմերի կողմից սահմանվող այլ պայմանները չեն կարող հակասել սույն պայմանագրին, Կանոններին և այլ իրավական ակտերին:

9. ՎԵՃԵՐԻ ԼՈՒԾՈՒՄԸ

22. Սույն պայմանագրի առնչությամբ Կողմերի միջև ծագած վեճերը լուծվում են բանակցությունների միջոցով, իսկ Կողմերից մեկի դիմումի դեպքում՝ Հանձնաժողովի միջնորդությամբ: Սույն պայմանը չի սահմանափակում Կողմերի իրավունքը՝ վեճերը լուծել դատական կարգով:
23. Եթե տարաձայնության առարկան Հաշվարկային կենտրոնի կողմից սույն պայմանագրի 12-րդ կետի համաձայն ներկայացված ակտն է, ապա Հաշվարկային կենտրոնը պարտավոր է, Կողմերից մեկի գրավոր դիմումի դեպքում, 3 աշխատանքային օրվա ընթացքում, բայց ոչ ուշ, քան մինչև Հաշվարկային ամսվան հաջորդող ամսվա 13-ը ներառյալ, լուծել տարաձայնությունը՝ անհրաժեշտության դեպքում կազմակերպելով քննարկում շահագրգիռ կողմերի մասնակցությամբ:
24. Եթե սույն պայմանագրի 23-րդ կետում սահմանված ընթացակարգով և ժամկետներում հնարավոր չէ լուծել տարաձայնությունը, ապա Կողմերը պարտավոր են ստորագրել Հաշվարկային կենտրոնի կողմից վերանայված սույն պայմանագրի 12-րդ կետում նշված ակտը մինչև հաշվարկային ամսվան հաջորդող ամսվա 13-ը ներառյալ, իսկ Որակավորված սպառողը պարտավոր է կատարել վճարումը, որից հետո միայն լուծել տարաձայնությունը: Տարաձայնություն ունեցող կողմը պարտավոր է վճարման ենթակա էլեկտրաէներգիայի վերաբերյալ ստորագրված ակտին կցել հատուկ կարծիք:

10. ՊԱՅՄԱՆԱԳՐԻ ԳՈՐԾՈՂՈՒԹՅՈՒՆԸ ԵՎ ԼՈՒԾՈՒՄԸ

25. Սույն պայմանագիրն ուժի մեջ է մտնում Կողմերի և Հաշվարկային կենտրոնի կողմից ստորագրման պահից, իսկ էլեկտրական էներգիայի հաղորդման ցանց օգտագործելու դեպքում Կողմերի, Հաշվարկային կենտրոնի, Հաղորդողի և Համակարգի օպերատորի կողմից ստորագրման պահից, և գործում է մինչև _____:
26. Հանձնաժողովի կողմից էլեկտրական էներգիայի բաշխման ծառայության մատուցման (բաշխող-սպառող (որակավորված սպառող)) պայմանագրի նոր օրինակելի ձև

հաստատելու կամ գործող օրինակելի ձևում փոփոխություններ կամ լրացումներ կատարելու դեպքում Կողմերը պարտավոր են Հանձնաժողովի սահմանած ժամկետում կնքել նոր պայմանագիր կամ փոփոխություններ կամ լրացումներ կատարել գործող պայմանագրում: Հանձնաժողովի սահմանած ժամկետում էլեկտրական էներգիայի բաշխման ծառայության մատուցման (բաշխող-սպառող (որակավորված սպառող)) նոր պայմանագիր չկնքելու կամ գործող պայմանագրում համապատասխան փոփոխություններ կամ լրացումներ չկատարելու դեպքում գործում են Հանձնաժողովի կողմից հաստատված պայմանագրի նոր օրինակելի ձևի դրույթները կամ գործող օրինակելի ձևում կատարված փոփոխությունները կամ լրացումները:

27. Սույն պայմանագիրը կազմված է 3 օրինակից՝ մեկական Կողմերի և Հաշվարկային կենտրոնի համար, իսկ էլեկտրական էներգիայի հաղորդման ցանց օգտագործելու դեպքում՝ 5 օրինակից՝ Կողմերի, Հաշվարկային կենտրոնի, Հաղորդողի և Համակարգի օպերատորի համար:
28. Սույն պայմանագիրը կարող է լուծվել Հայաստանի Հանրապետության օրենսդրությամբ սահմանված կարգով:

11. ՊԱՅՄԱՆԱԳՐԻ ԱՆԲԱԺԱՆԵԼԻ ՄԱՍ ԿԱԶՄՈՂ ՀԱՎԵԼՎԱԾՆԵՐԻ ՑԱՆԿԸ

29. Սույն պայմանագրի անբաժանելի մաս կազմող հավելվածն է առևտրային հաշվառքի սարքի, սահմանազատման կետի, առավելագույն թույլատրելի հզորության և էլեկտրական էներգիայի բաշխման սխեմայի հուսալիության մակարդակի վերաբերյալ համաձայնագիրը:

Բաշխող՝
գտնվելու վայրը _____
Հ/հ _____
հեռախոսը _____
էլ. փոստի հասցեն _____
Ֆաքսը _____

Որակավորված սպառող՝
գտնվելու վայրը _____
Հ/հ _____
հեռախոսը _____
էլ. փոստի հասցեն _____
Ֆաքսը _____

Գործունեության լիցենզիա N

Ղեկավար

Ղեկավար

(ստորագրություն, անուն, ազգանուն)

(ստորագրություն, անուն, ազգանուն)

Կ.Տ. (առկայության դեպքում)

Կ.Տ. (առկայության դեպքում)

Հաշվարկային կենտրոն

(պաշտոն, ստորագրություն, անուն, ազգանուն)

Կ.Տ. (առկայության դեպքում)

Համակարգի օպերատոր

(պաշտոն, ստորագրություն, անուն, ազգանուն)

Կ.Տ. (առկայության դեպքում)

Հաղորդող

(պաշտոն, ստորագրություն, անուն, ազգանուն)

Կ.Տ. (առկայության դեպքում)

Հավելված
Էլեկտրական էներգիայի բաշխման
ծառայության մատուցման
(բաշխող-սպառող (որակավորված սպառող))
պայմանագրի

ՀԱՄԱՁԱՅՆԱԳԻՐ

ԱՌԵՎՏՐԱՅԻՆ ՀԱՇՎԱՌՔԻ ՍԱՐՔԻ, ՍԱՀՄԱՆԱԶԱՏՄԱՆ ԿԵՏԻ, ԱՌԱՎԵԼԱԳՈՒՅՆ
ԹՈՒՅԼԱՏՐԵԼԻ ՀՁՈՐՈՒԹՅԱՆ ԵՎ ԷԼԵԿՏՐԱԷՆԵՐԳԻԱՅԻ ԲԱՇԽՄԱՆ ՍԽԵՄԱՅԻ
ՀՈՒՍԱԼԻՈՒԹՅԱՆ ՄԱԿԱՐԴԱԿԻ ՎԵՐԱԲԵՐՅԱԼ

Հաշվառ- քի սարքի տեղա- դրման վայրը	Առևտրային հաշվառքի սարք										Սահմանա- զատման կետը	Առաքել- վա նյութ առա- քում տեղի հզո- լուծ ման /կՎ տ/	Էլեկտ- րա- յին բաշխ- ման սխեմ այի հուսա- կողմ - լուծ- ման մակա- ր- դակը
	Հաշվիչի				Հոսանքի չափիչ տրանսֆորմատորի				Լարման չափիչ տրանսֆորմատորի				
	տեսակը , գործա- րանային համարը , Որակավ որված սպառողի	թույլ ա- տրել ի հոս անք ը (Ա)	անվա- նակ ան լար ումը (Վ)	հաշո- րդ պլան ային ստուգ ան ա- չափմ ան ամիս ը և տարե ի	տեսակը , գործա- րանային համարը , Որակավ որված սպառողի	ծշտու թյան դասը	տրան սֆոր- մացի այի գործա- կիցը	տեսակը , գործա- րանային համարը , Որակավ որված սպառողի	ծշտու թյան դասը	տրան սֆոր- մացի այի գործա- կիցը			

	կնիքի տեսակը , համարը			թիվը	կնիքի տեսակը , համարը			կնիքի տեսակը , համարը					
1	2	3	4	5	6	7	8	9	10	11	12	13	14

1. Սույն աղյուսակի 13-րդ սյունակը լրացվում է համաձայն Որակավորված սպառողին տրված տեխնիկական պայմանների, իսկ դրանց բացակայության դեպքում՝ հաշվիչի թույլատրելի հոսանքի, անվանական լարման, հոսանքի չափիչ տրանսֆորմատորի տրանսֆորմացիայի գործակցի և լարման չափիչ տրանսֆորմատորի տրանսֆորմացիայի գործակցի արտադրյալով:

2. Սույն աղյուսակի 14-րդ սյունակը լրացվում է՝
- 1) «1» թվանշանով, եթե Որակավորված սպառողին էլեկտրաէներգիայի բաշխումն իրականացվում է 1-ից ավելի առանձին օդային կամ մալուխային գծերով կայանի կամ ենթակայանի երկու հոծանային համակարգերից կամ սեկցիաներից,
- 2) «2» թվանշանով, եթե Որակավորված սպառողին էլեկտրաէներգիայի բաշխումն իրականացվում է այլ կերպ:

Բաշխող՝

(անուն, ազգանուն, պաշտոն)

(ստորագրություն)

Կ.Տ. (առկայության դեպքում)

Որակավորված սպառող՝

(անուն, ազգանուն)

(ստորագրություն)

Կ.Տ. (առկայության դեպքում)

Հաշվարկային կենտրոն՝

(պաշտոն, ստորագրություն, անուն, ազգանուն)

Կ.Տ. (առկայության դեպքում)